

BASES DA CONVOCATORIA PARA CUBRIR MEDIANTE CONTRATO DE DURACIÓN DETERMINADA, MODALIDADE: OBRA E SERVIZO, DOUS (2) POSTOS DE TRABALLO DE TÉCNICOS SUPERIORES DE INNOVACIÓN E XESTIÓN DE PROXECTOS (Ref: Tec-SINN-2007) NO MARCO DO "PROGRAMA ISABEL BARRETO"

A Fundación Centro Tecnológico de Supercomputación de Galicia, é unha Fundación de carácter público, dependente da Consellería de Innovación e Industria. En cumprimento da Lei 10/1996, de 5 de novembro, de actuación de entes e empresas nas que ten participación maioritaria a Xunta de Galicia, en materia de persoal e contratación, acorda a convocatoria de selección de persoal.

I. Obxecto da convocatoria:

A Consellería de Innovación e Industria de la Xunta de Galicia en orde de 3 de agosto de 2007, publica a convocatoria de axudas á contratación, entre outras, de tecnólogos e axentes de innovación e xestión de proxectos de I+D+i, no marco do Programa de recursos humanos do Plan Galego de I+D+i - INCITE 2006-2010 (DOG núm. 157 de 14 de agosto de 2007)

A Fundación Centro Tecnológico de Supercomputación de Galicia (Fundación CESGA) ten previsto presentarse á convocatoria, arriba citada, dentro do Programa Isabel Barreto, polo que precisa seleccionar e propor candidatos para os postos que se solicitan.

A contratación para estes postos de traballo queda condicionada á concesión da axuda e á aprobación preceptiva da Xunta de Galicia.

As condicións dos postos, aparecen na orde da Consellería de Innovación e Industria antes citada resumíndose nas seguintes:

1. Data prevista de incorporación: decembro 2007 (condicionada á Resolución da Consellería de Innovación e Industria).
2. Contrato: obra ou servizo determinado (duración aproximada: 24 meses)
3. Salario bruto Doutores: 27.300 euros anuais aproximadamente.
4. Salario bruto Titulados Universitarios de grao superior: 23.000 euros anuais aproximadamente.
5. Salario bruto Formación Profesional de Grao Superior: 18.000 euros anuais aproximadamente.
6. Lugar de traballo: Santiago de Compostela.

Mediante a presente Convocatoria, a Fundación CESGA seleccionará personal para os seguintes postos:

2 Técnicos Superiores de Innovación e Xestión de Proxectos.

As funcións para estes postos serán:

- Localización e seguimento de convocatorias para presentación de proxectos de I+D+i a nivel autonómico, estatal e internacional (especialmente europeos), no ámbito de actuación da Fundación CESGA.
- Elaboración formal de proxectos de I+D+i.
- Xestión de proxectos de I+D+i.
- Participación na elaboración e execución dos planos de difusión da Fundación.

II. Réxime xurídico da contratación:

O contrato revestirá a modalidade de contrato de obra e servizo, conforme ó establecido no artigo 15.1 A) do Estatuto dos Traballadores e ó artigo 7 da Lei 10/1996, de 5 de novembro, de actuación de entes e empresas nas que ten participación maioritaria a Xunta de Galicia, en materia de persoal e contratación.

III. Duración.

A contratación obxecto da presente convocatoria efectuarase, con carácter temporal, por dous (2) anos que é a duración prevista para as axudas con cargo ao Programa Isabel Barreto.

IV. Requisitos:

- Ter nacionalidade dun país membro da Unión Europea, ou nacional dalgún Estado, ao que en virtude dos tratados internacionais celebrados pola Unión Europea e ratificados por España, lle sexa de aplicación a libre circulación de traballadores.

Tamén poderán participar, calquera que sexa a súa nacionalidade o cónxuxe dos españois, dos nacionais dalgún dos demais estados membros da Unión Europea, cando así o prevexa o correspondente tratado, e dos nacionais dalgún Estado ao que, en virtude dos tratados internacionais celebrados pola Unión Europea e ratificados por España, lle sexa de aplicación a libre circulación de traballadores, sempre que non estean separados de dereito, así como os seus descendentes e os do seu cónxuxe, menores de vinte e un anos ou maiores da dita idade que vivan ás súas expensas.

Así mesmo, poderán participar os que, non estando incluídos nos parágrafos anteriores, se atopen en España en situación de legalidade, sendo titulares dun documento que os habilite a residir e a poder acceder sen limitacións ao mercado laboral. En consecuencia poderán participar os que se atopen en situación de residencia temporal, os que se atopen en situación de residencia permanente, os que se atopen en situación para residir e traballar, así como os refuxiados.

- Ter cumpridos os 16 anos de idade e non ter alcanzada a idade de xubilación.
- Posuír e acreditar o TÍTULO que se indica:

Licenciado en Físicas, Matemáticas, Químicas ou Enxeñeiro Superior en Informática ou Titulación Superior equivalente de áreas técnicas.

ou estar en condicións de obtelo dentro do prazo de presentación de solicitudes (homologada polo Ministerio de Educación, no caso de títulos expedidos por un país que non sexa membro da Unión Europea).

- Experiencia Profesional mínima de 24 meses como tecnólogo, axente de innovación ou de xestión de proxectos de I+D.
- Experiencia no manexo de ferramentas ofimáticas.
- Coñecementos de inglés a nivel técnico avanzado.
- Non padecer enfermidade ou defecto físico que impida desempeñar as funcións correspondentes á praza á que opte.
- Non estar separado do servizo de ningunha Administración pública en virtude de expediente disciplinario, nin atoparse inhabilitado por sentenza firme para o exercicio de funcións públicas.
- Os nacionais dos demais estados membros da Unión Europea ou de aqueles que teñan subscritos tratados referentes á libre circulación coa Unión Europea

ratificados en España, acreditaran de modo fidedigno non estar sometidos a sanción disciplinaria ou condena penal que impida no seu país o acceso á función pública.

- Dispoñibilidade para viaxar.
- Carnet de conducir.

V. Documentación a presentar obrigatoriamente:

Documentación a presentar:

- Solicitud dirixida ao Director-Xerente da Fundación CESGA (ver Anexo I).
- Currículum vitae, no que se fará constar a concurrencia dos requisitos esixidos e puntos valorados segundo as bases desta convocatoria.
- Fotocopia compulsada do D.N.I. ou pasaporte.
- Fotocopia compulsada do título exixido na base IV e certificación académica ou, se é o caso, documento que acredite fidedignamente a posesión do correspondente título académico.
- Certificado de vida laboral, de desenvolvemento de proxectos, realización de cursos, e outra documentación ou certificados relativos a calquera aspecto do curriculum.

VI. Lugar e prazo de presentación de solicitudes:

- As solicitudes serán dirixidas ao Director-Xerente da Fundación e deberán presentarse no modelo normalizado, Anexo I da presente convocatoria.
- Presentaranse só na Secretaría da Fundación ou remitiranse por correo certificado ás oficinas da Fundación CESGA sitas na Avenida de Vigo, s/n (Campus Sur),15705 Santiago de Compostela.
- O prazo de presentación será de 10 (dez) días naturais contados a partir do día seguinte da publicación da presente convocatoria en prensa.
- O enderezo que figure nas instancias considerárase como o único válido para os efectos de notificacións, sendo responsabilidade exclusiva do aspirante tanto un erro na súa consignación como a comunicación á Fundación, de calquera cambio nel.
- Finalizado o prazo de presentación de solicitudes, a comisión de selección publicará as listas previas de admitidos e excluídos ao proceso de selección, con indicación da causa de exclusión, no seu caso, establecéndose un prazo de 3 días naturais para, a petición do interesado, reparar calquera erro que sexa subsanable.
- Todas as publicacións faranse no taboleiro de anuncios, no Edificio da Fundación e na páxina web da Fundación www.cesga.es

VII. Proceso de selección:

1. A selección, de conformidade co disposto no artigo 4 da Lei 10/1996, de 5 de novembro efectuarase por unha comisión designada ao efecto (Anexo II).
2. O proceso de selección consistirá:

Nun concurso de méritos acreditados por cada candidato, ata unha puntuación máxima de **37 puntos** e conforme ao BAREMO do Anexo III. Para poder ser considerados aptos, os solicitantes deberán acadar no apartado 4 deste Anexo III: Experiencia e coñecementos acreditados unha puntuación mínima de 12 puntos.

A comisión, á vista dos resultados obtidos na valoración de méritos, e de consideralo necesario, poderá acordar a realización dunha entrevista. A entrevista, que non superará os quince minutos, terá unha valoración máxima de 3 puntos e versará sobre:

- Perfil do candidato
- Comentarios acerca do currículo vitae
- Idoneidade do candidato para o posto
- Dispoñibilidade de incorporación
- Contraste de coñecementos
- Expresión oral

No caso de infrarrepresentación do sexo feminino e de empate entre os méritos de dous ou máis candidatos estarase ao disposto no artigo 37 da lei 7/2004 de Galicia.

3. Finalizado o proceso de avaliación e selección, a Comisión publicará no taboleiro de anuncios da Fundación e na páxina web da Fundación www.cesga.es, un acordo co listado da puntuación de tódolos aspirantes.
4. Contra este acordo, os aspirantes que o consideren oportuno poderán presentar reclamación diante da comisión no prazo de dous días naturais contados a partir do seguinte ao da súa exposición.

VIII. Unha vez **finalizado todo o proceso anterior**, a comisión de selección publicará a través da páxina web da Fundación (www.cesga.es), os nomes das persoas seleccionadas para os postos. Así mesmo, para estes postos, e co fin de determinar posibles substitucións, a comisión elaborará unha lista de agarda entre os solicitantes que, aínda acadando a puntuación mínima establecida pola comisión, non resultasen beneficiarios do posto. A incorporación aos postos queda condicionada á concesión da axuda solicitada pola Fundación CESGA no "Programa Isabel Barreto" publicado na Orde do 3 de agosto de 2007 da Consellería de Innovación e Industria e á aprobación preceptiva da Xunta de Galicia. A data prevista de incorporación estimase decembro de 2007, condicionada á Resolución da Xunta de Galicia.

O contrato temporal por obra e servizo determinado, suxeito ao período de proba regulado no artigo 14 do Estatuto dos traballadores, actuando como órgano de contratación da Fundación o seu Presidente, acto para o que está facultado en virtude da escritura de poder outorgada con data 22 de xaneiro de 2004 ante o notario do Ilustre Colexio de Galicia D. Enrique Roger Amat e co número de protocolo 214.

Santiago de Compostela, 24 de agosto de 2007

Javier García Tobío
Director-Xerente
Fundación Centro Tecnológico de Supercomputación de Galicia

ANEXO I

MODELO DE SOLICITUDE

1.- SOLICITANTE		
Apelidos:	Nome:	
DNI:		
Enderezo particular (rúa, etc.):	Nº	
Localidade:	Provincia:	CP:
Tfno.:		

2.- DATOS ANUNCIO		
Referencia anuncio:		
Data publicación anuncio:		

3.- DOCUMENTACIÓN		
Currículum Vitae:		
Copia DNI:		
Copia Titulación:		
Outra documentación:		

DECLARACIÓN XURADA:

O abaixo asinante declara baixo xuramento non padecer enfermidade ou defecto físico que lle impida desempeñar as funcións correspondentes ao posto de traballo da praza á que opta, e non estar separado do servizo de ningunha Administración pública en virtude de expediente disciplinario, nin atoparse inhabilitado por sentenza firme para o exercicio de funcións públicas.

"De conformidade co establecido na Lei Orgánica 15/1999, de 13 de decembro, de Protección de Datos de Carácter Persoal, o interesado queda informado e presta o seu consentimento expreso e inequívoco á incorporación dos seus datos aos ficheiros automatizados existentes na FUNDACIÓN e ao tratamento dos mesmos para esta convocatoria de prazas."

Solicita a participación no proceso de selección convocado pola Fundación e referenciado no punto 2 desta solicitude.

Santiago de Compostela, de de 2007

Asdo.:

**DIRECTOR XERENTE
FUNDACIÓN CESGA
Avda. de Vigo, s/n (Campus Sur)
15705 Santiago de Compostela (A Coruña)**

ANEXO II

COMISIÓN DE SELECCIÓN:

1 .- A comisión de selección estará formada, para cada praza, por:

- a) Presidencia: José Ignacio López Cabido (Subdirector Tco. Fundación CESGA)
- b) Vocais:
 - Administrador de Aplicacións e Proxectos da Fundación CESGA
 - Coordinador Área Sistemas HPC e GRID

O presidente da Fundación, en caso de necesidade, poderá nomear suplentes. A Comisión poderá nomear asesores expertos, os cales limitaranse ao exercicio das súas respectivas especialidades e colaborarán coa comisión con base exclusivamente nas mesmas.

En todo caso, a Fundación procurará a paridade entre mulleres e homes na designación da comisión de acordo co establecido no artigo 36 da lei 7/2004.

2 .- Os membros da comisión absteranse de intervir, notificándollo ao presidente, cando concorran neles circunstancias das previstas no artigo 28 da Lei de réxime xurídico das administracións públicas e do procedemento administrativo común, ou que realizen tarefas de preparación de aspirantes a probas selectivas nos cinco anos anteriores á publicación desta convocatoria.

O presidente poderá solicitar aos membros da comisión declaración expresa de non atopárense incurso nas causas sinaladas de abstención.

Os aspirantes poderán recusar aos membros da comisión de selección cando concorran as circunstancias previstas na presente base.

3 .- Para actuar validamente a comisión, requirirase a presenza in situ ou por videoconferencia de tódolos seus membros.

As decisións da comisión de selección adoptaranse por maioría dos membros presentes no momento da votación e en caso de empate resolverá o voto de calidade do presidente da comisión de selección.

4 .- Para efectos de comunicación e demais incidencias, a comisión terá como sede as oficinas da Fundación CESGA sitas na Avenida de Vigo, s/n (Campus Universitario Sur) - 15705 Santiago de Compostela.

ANEXO III

Baremo Valoración de Méritos:

1. EXPEDIENTE ACADÉMICO*: máximo 4 puntos. As cualificacións, valoraránse de acordo co seguinte baremo:

CUALIFICACIÓN	PUNTOS
MATRÍCULA DE HONRA	4
SOBRESAINTE	3
NOTABLE	2
APROBADO	1
SUSPENSO/NON PRESENTADO	0

2. COÑECEMENTOS DE INGLÉS: máximo 3 puntos. Acreditados e/ou certificados segundo a seguinte táboa ou outro tipo de acreditación/certificación equivalente atendendo á escala de Eurocentres:

INGLÉS	PUNTUACIÓN
Cursos regulados (sen título recoñecido)	0 - 1,25 puntos
P.E.T. (Preliminary English Test)	1,5 puntos
F.C.E. (First Certificate in English)	2,0 puntos
C.A.E. (Certificate Advanced English)	2,5 puntos
C.P.E. (Certificate of Proficiency in English)	3,0 puntos
1 ano ou máis de residencia en país anglosaxón ou traballando nun centro de I+D internacional	2,5 puntos

3. DOUTORADO: máximo 6 puntos, segundo a distribución que se indica. Deberá acreditarse con copia do título ou solicitude do mesmo:

COÑECEMENTOS A VALORAR	Puntuación
Doutorado Europeo APTO CUM LAUDE	6
Doutorado APTO CUN LAUDE	5
Doutorado Europeo APTO	3
Doutorado APTO	2
Deposito da teses doutoral para lectura	1

4. EXPERIENCIA E COÑECEMENTOS EN XESTION DE PROXECTOS DE I+D: máximo 24 puntos, segundo a distribución que a seguir se indica. Para poder ser considerado aptos, os solicitantes deberán acadar neste apartado unha puntuación mínima de 12 puntos:

COÑECEMENTOS A VALORAR	PUNTUACION MÁXIMA
Formación ou participación en proxectos europeos I+D+i: <ul style="list-style-type: none"> • Formación en xestión de proxectos europeos (2 puntos) • Participación en proxectos rexionais ou estatais de I+D+i (2 puntos por proxecto xa rematado, 1 por proxecto en execución) • Participación en proxectos europeos de I+D+i (4 puntos por proxecto xa rematado, 1 por proxecto en execución) 	12,00
Formación ou coñecementos de ferramentas de xestión de proxectos. <ul style="list-style-type: none"> • 1 punto por coñecementos básicos. • 3 puntos por coñecementos avanzados. 	3,00
Outros idiomas (Galego, Portugués, Francés) <ul style="list-style-type: none"> • 1 punto por idioma 	3,00
Formación ou coñecementos de cálculo numérico: <ul style="list-style-type: none"> • 1 punto por formación ou aplicación desenvolvida en MPI, OpenMP u outro sistema de paralelización • 1 punto por formación en técnicas de cálculo numérico. 	2,00
Coñecementos de linguaxes de desenvolvemento habituais en cálculo científico: FORTRAN, C y C++: <ul style="list-style-type: none"> • 1 punto por coñecementos ou formación en Fortran 77, 90 ó 95 • 1 punto por coñecementos ou formación de C ou C++ 	2,00
Formación ou coñecementos de Unix o Linux	2,00